

光緒丙子清河縣志卷二

疆域 沿革 物產 四至 分星 高度 形勢 風俗

沿革

清河縣舊隸禹貢徐揚二州之域春秋末屬吳周貞定

王二十四年楚東侵廣地至泗上地入於楚秦并天下

始建淮陰縣屬泗水郡 咸豐志按班書地理志臨淮郡領縣二十九而淮陰第十三攷

臨淮分沛東陽立沛本秦泗水郡地也東陽景駒所漢立非秦故郡則淮陰在漢屬臨淮在秦屬泗水可知

初改泗水為沛郡元狩六年分為臨淮郡 王莽改淮陰曰嘉信 東

漢以臨淮并東海永平十五年更為下邳國建安十一

年國除復置太守皆以淮陰縣屬魏承漢制無所更改

光緒丙子清河縣志 卷二

咸豐志按三國志稱步騭臨淮淮陰人似淮陰又屬臨淮然攷宋書州郡志晉太康元年始分下邳之淮南為臨淮郡豈吳先已改易而晉因之歟抑陳壽據晉制書之 晉初屬臨淮郡太康三年移廣陵郡治淮陰 江表傳廣陵太守陳登治射陽則太康自射陽移治也見三國志裴注

元帝渡江廣陵治移去而以鎮北征北將軍青兗二州

刺史或徐州刺史鎮淮陰淮陰遂為重鎮永和五年苟

羨以地形都要水陸交通易以觀釁沃野有開殖之利

方舟運糧無他屯阻乃營立城池淮陰城自此始宋秦

始三年盡失淮北地乃於淮陰立兗州鎮七年謂之北

兗州齊建元四年兗州鎮移去初兗州北對清泗臨淮

守險田稻豐饒所領惟平陽僑郡永明七年從光祿大

夫呂安國請於是立東平郡於淮陰

安國啟稱北兗州民戴尙伯訴舊壤

幽隔飄寓失所今雖創置淮陰而平陽一郡州無實土寄山陽境內竊見司青徐三州悉皆新立並有實郡東平既是以邦望衣冠所係希於山陽盱眙二界開割小戶置此郡招集荒落使本壤族姓有所依歸臣尋東平郡既此州本領臣賤族桑梓願立此邦

領壽張淮安二縣壽張割山陽官

瀆以西三百戶置淮安割直瀆破釜以東淮陰鎮下流

雜一百戶置實當今縣西南境洪澤下游之地

破釜卽今洪澤

梁改北兗爲淮州領淮陰郡治淮陰故城曰懷恩縣又

有富陵魯富陵漢縣舊名魯創立也太清三年侯景以

蕭弄璋爲北兗州刺史州民發兵拒之於是淮陰復稱

北兗景遣其將羊海助弄璋海以眾降東魏東魏遂據

光緒丙子清河縣志

卷二

二

淮陰仍稱淮州淮陰郡懷恩縣高齊併魯富陵於懷恩

陳大建五年吳明徹伐齊十一月淮陰城降九年沒於

後周復改縣曰壽張立東平郡如蕭齊之舊隋復爲淮

陰郡尋廢郡而改壽張縣仍稱淮陰大業初併淮陰於

山陽山陽之兼淮陰自此始唐初復立淮陰武德七年

省 咸豐志按唐立淮陰史無明文以武德七年省知之乾封二年析山陽復置自

秦立淮陰以來至此屢變而復並爲今清河南境地其

淮水以北在漢當朶猶淮浦二境之交所屬莫得詳焉

晉義熙中土斷立角城縣今縣西北境得其地與桃源

分壤而角城縣治實不及清河境

詳見後

唐武德四年

分漣州置金城縣今縣東北境得其地與東分壤其
金城縣治於清河安東未知何屬初唐置金城後三年
省淮陰入山陽又三年省金城入漣水又四十一年而
淮陰復淮陰屬淮南道楚州也金城屬河南道泗州也
自唐及五代及宋淮陰並仍舊名高宗南渡析淮陰置
吳城縣三年罷紹興五年廢淮陰爲鎮逾年復立立後
六年當金皇
統元年宋奉表割地以與金和約淮水中流爲界
西起唐鄧東及胸海於是清河北境並割入金金以吳
城鎮隸臨淮金城鎮隸漣水見金地理志
泗州海州下宋亦移淮陰
治於八里莊嘉定
七年後十七年當金正大八年宋淮陰降

金改爲鎮淮府端平元年元滅金金遺民來歸咸淳九
年始置清河縣屬清河軍清河縣自此始立三年地入
於元元初清河淮陰並置而省清河軍以縣屬淮安路
錄事司至元二十年併淮陰入山陽淮陰於是四入山
陽而清河以後立乃獨存縣初治大清口止得今河北
地及泰定中河決徙治淮陰之故城始得淮陰故地而
縣境及淮水南南至三角村東及七里墩與山陽分界
天曆中又移治小清口之西北東去淮陰城十里今所
稱舊縣者也明因元舊崇禎末遷治甘羅城 本朝因
之康熙中屢圯於水乾隆二十六年舊作二十七年
今從學校改正江

蘇巡撫陳宏謀疏請移治山陽之清江浦而割山陽近

浦十餘鄉併入清河是為新縣治

戶部清河移縣册自清江浦西南武家墩

顯王廟為界畫分起由太平橋至海會寺西運河南岸

止長三千二百七十丈自運河北岸圓通庵東為界畫

分起由汰黃隄至惠源庵東黃河南岸止長一千九百

五十丈又自黃河北岸山安交界畫分起至清安交界

止長六千六十

二丈併歸清河自其南界棠梨涇青州濶仍屬山陽外

棠梨涇今周橋青州濶今汶

河皆故淮陰境今屬山陽餘盡得古淮陰地云

四至

縣治在 京師南少東一千九百四十二里江甯布政

司治北五百三十里淮安府治西少北三十里

山陽縣治同

今治在舊治東二十五里中貫淮流東抵山陽海會寺

光緒丙子清河縣志

卷二

四

界五里南抵山陽漆家橋界七里西南抵盱眙霍山界

百二十里西南至盱眙縣治百六十里西抵桃源張家

溝界五十里西北至桃源縣治九十里北抵沈陽北六

塘河界八十里北至沈陽縣治百四十里東北抵安東

練湖界三十五里東北至安東縣治六十里凡縣境東

西廣六十里南北袤百八十里

分星

自淮以北徐州之域降婁之次也自淮以南揚州之域

斗牛之分也

高度

京師北極出地高四十度清河北極出地高二十三度三分七秒較 京師差六度五十六分三秒計橫黍尺

清河去 京師鳥道一千七百三十四里二百十步準

今營造尺一千三百八十七里三分里之二此康熙開實測準舊

治也與今高度略同 京師夏至日出寅正二刻五分日入戌初

一刻十分清河夏至日出寅正三刻十三分日入戌初

初刻二分計清河日出後 京師一刻八分日入先

京師一刻八分冬至 京師日出辰初一刻十分日入

申正二刻五分清河日出辰初初刻二分日入申正三

刻十二分計清河日出先 京師一刻八分日入後

光緒丙子清河縣志

卷二

五

京師一刻八分其偏度在 京師東二度三十四分七

秒計橫黍尺六百四十四里二百十步準今營造尺五

百十五里三分里之二每節氣時刻較 京師加十分

有奇

形勢

境內少山多水襟淮帶河二流交會漕渠池邇而右轉

洪湖營潑而北注可耕之田少官隄湖塹綺脈交錯其

東南所分皆山陽下鄉礲鹵舊縣池北積水汙萊灌莽

彌望獨東北境絙三數十里地稍亢百餘年來黃流移

奪一經過輒爲航空長溪大澤旁壙沙爲岸民少佃作

其中而西南鄉自吳城六堡洩河後道光二十八年填
淤數十萬畝輻輳墾作桑麻雞犬村市曖然視河北乃
爲蕃衍要皆平野閒曠無隘可阨逾湖而南有老子山
接於霍山地絕遠遠連界外亦不足以資捍蔽云

風俗

禮俗大都淮楚同風無冠禮童子勝衣則纓冠垂帶容
遂如成人昏不責財物士人知重門戶市垣全雜望富
求昏其鄉里愚民指腹贈杯或奠鴈未除瘡病成禮小
家孤嫠甚相擿奪雖嚴法峻刑弗能禁也喪禮浮屠陰
陽鼓吹習遵常俗三日祖餞芻靈輿馬望空焚拜七七

光緒丙子清河縣志

卷二

六

之期酒脯向夕葬時牲牢品物富者維備至治酒食供
張具不則爲悵近士大夫遵古變俗一二有之然終已
難返祭之日清明七月望十月朔冬至除夕以時供物
弗先事戒備四仲之卜特牲三獻之儀希有行之者也
乾隆志云士風在昔尚廉恥重然諾强者俠烈負氣有
西楚之遺弱者守文拘墨醅謹自熹又云四鄉無十里
之田中農無一歲之稽賦三倍於鄰封漕遠糴於他郡
欲農無病不可得也咸豐志云初時衣冠樸素富家一
羊裘夏葛衫草笠齊民等列婦女無華飾髻不盈握裳
不曳地萬金之家農節餉饒其風甚古自縣治左移官

省吏舍冠蓋相望市廛雜還浩穰百端春夏有糧艘之
載挽秋冬有鹽引之經通河防草土之事四時之中無
日休息貧民失業力食致飽或白手空游而得厚實民
乍富乍貧日月異趣主與客相耀野與市相驅士有閉
蓬戶然膏油不入公卿之門則僕隸笑之婦人衣不呈
質錦純繡領費過其材至如清門素士編綦椎髻少與
昏對然其賢者猶能尚已自好衣布履絢踴踴塵土之
中終歲不踵府寺土瘠而俗重變之百年而未改各有
巧拙非一情也又云自淮湖漲溢西南諸鄉沈沒民稍
網罟漁獵而河北廢鹵宜畜牧家有牛欄豕牢藉以糞
故城市貧於官鄉野貧於商

物產

五穀宜麥菽秫下隰產稻十一其蔓野芋長生貧者賴

以卒歲貨之大者有棉靛紅花

縣境產棉甚稀知縣萬青選教以蠶桑紡織之

法刊爲圖說徧示鄉民棉織寔廣

果有桃杏李奈木多椿櫟白粉青楊

有桑而蠶者寡蔬有菘韭紫茄赤莧瓜瓠之屬水浮菱
藕藥物茺蔚薄荷地膚括蕞蕃而不良六畜富擾尤多
羊馬每歲邊馬至或數千百蹏色別爲羣縱牧河岸望

若雲錦亦有雉兔鵠鴈燕雀水族滋生美者鮑魴鱸鱖
黃瓜白小白小之腊行天下介之巨者鼃洪澤中多有
之